

## KERATAN AKHBAR

Akhbar: Berita Harian

Tarikh: 10-05-05

# SAJH kesan tiga kimia di Sungai Sembrong

Oleh Abdul Razak Raaff

IOHOR BAHRU: Syarikat Air Johor Holdings Sdn Bhd (SAJH) mengesan tiga jenis bahan kimia di Sungai Sembrong, sehingga mencemardan menjelaskan operasi di Loji Air Parit Raja, Batu Pahat.

Pencemaran daripada ketiga-tiga bahan kimia itu menjadi punca Loji Air Parit Raja kini beroperasi di bawah keupayaan sebenar, sekali gus menjejaskan pengagihan air bersih kepada kira-kira 280,000 pengguna di daerah itu.

Ketua Pegawai Operasi, Abdul Wahab Abdul Hamid, berkata

tahap pencemaran bahan kimia seperti aluminium, besi dan manganese meningkat berkali ganda, berbanding paras biasa dan hanya di-kesan sejak awal tahun ini.

Katanya, analisis kualiti air yang dilakukan SAJH mendapati kandungan aluminium di Sungai Sembrong ialah 50 ppm (pert per milion) bersamaan 250 kali ganda, berbanding 0.2 ppm pada tahap normal. Selain itu, tahap pencemaran besi pula ialah 31 ppm berbanding 0.1 ppm pada paras normal, sementara kandungan manganese ialah 4 ppm, iaitu meningkat 20 kali ganda berbanding 0.2 ppm pada tahap normal.

Sehubungan itu, Abdul Wahab berkata, pencemaran bahan kimia itu menyebabkan Loji Air Parit Raja tidak berkeupayaan merawat air mentah dari sungai berkenaan.

"Malah, kadar keasidan air mentah ini juga tinggi, iaitu 2.96 ppm berbanding 5.5-9 di paras normal.

## Operasi pam air mentah terjejas

► DARI MUKA 1

bahan kimia yang baru dikesan ini," katanya kepada pemberita selepas memberi taklimat mengenai perkembangan terkini krisis bekalan air di Batu Pahat dan Kluang, di sini semalam.

Abdul Wahab berkata, kesan pencemaran itu menyebabkan operasi pam air mentah di loji air itu diberhentikan sama sekali. Namun, pada masa ini ia hanya menerima sumber air mentah yang terhad daripada Lagun Sri Gading.

Sebelum itu, Menteri Besar, Datuk Abdul Ghani Othman, berkata kerajaan negeri mengesan penceroohan di sebahagian daripada kira-kira 718 hektar kawasan Empangan Sembrong, menyebabkan air takungan empangan berkenaan tercemar.

Katanya, kawasan Empangan Sembrong diceroboh dan ditanam dengan kelapa sawit sehingga menyebabkan baja yang digunakan diserap ke tanah dan masuk ke dalam sungai.

Justeru, Abdul Ghani meminta kerjasama semua jabatan kerajaan bagi memantau secara berterusan dan sistematik kawasan tadahan air Sungai Sembrong yang tercemar itu.